

Bosna i Hercegovina  
Federacija Bosne i Hercegovine



Bosnia and Herzegovina  
Federation of Bosnia and Herzegovina

KANTON SARAJEVO  
Kantonalna javna ustanova  
za zaštićena prirodna područja

Broj: 07-2-763-1/22 A.S.  
Sarajevo, 29.08.2022. godine

Bosna i Hercegovina  
Federacija Bosne i Hercegovine  
KANTON SARAJEVO  
SKUPŠTINA KANTONA SARAJEVO  
Adresa: Reisa Dž. Čauševića broj 1  
71 000 Sarajevo

KANTON SARAJEVO  
Cantonal Public Institution  
for Protected Natural Areas

BOSNA I HERCEGOVINA  
Federacija Bosne i Hercegovine  
KANTON SARAJEVO

PREJELIMO		30-08-2022	
Prejela ustanova	Klasifikacija	Broj	1000/199
01	04	29326-851	

122

PREDMET: Odgovor na zastupničku inicijativu, *dostavlja se*  
Veza Vaš broj: 01-04-29326-26/22 od 10.08.2022. godine

Dana 19.08.2022. godine, broj: 07-2-763/22, Kantonalna javna ustanova za zaštićena prirodna područja zaprimila je dopis Skupštine Kantona Sarajevo, veza broj gornji. Isti se odnosi na zastupničku inicijativu, zastupnika Damira Filipovića u vezi kvalitetnijeg rješenja zbrinjavanja otpada, odnosno da se postojeći kontejneri i kante za smeće pored šetnica kvalitetnije zatvore i tako spriječi da vjetar, psi lualice, ptice i druge životinje iznose sadržaj iz istih koji na kraju završi u prirodi, parkovima, vodotocima, ulicama. U skladu s pokrenutom zastupničkom inicijativom, dostavljamo slijedeći

#### ODGOVOR

Na zaštićenim prirodnim područjima u Kantonu Sarajevo, upravlja Kantonalna javna ustanova za zaštićena prirodna područja, u svojstvu upravitelja tri zaštićena pejzaža i dva spomenika prirode. Ukupna površina koju zauzimaju zaštićena područja iznosi 3119,80 ha, što je 2,46% teritorije Kantona Sarajevo. Sva zaštićena područja imaju posebne vrijednosti u oblasti fizičko - geografskog i biološkog diverziteta. Skladno pokrenutoj inicijativi imenovanog zastupnika, unutar zaštićenih područja na mjestima gdje se posjetioci duže zadržavaju, uz glavne šetnice, postavljene su ambijentalne kante za odlaganje otpada manjeg kapaciteta, bez poklopaca i kontejneri uz lokalne saobraćajnice. Dakle, u kontekstu predloženog, Ustanova podržava pokrenutu inicijativu imenovanog zastupnika na način da će ista u narednom periodu obezbijediti naknadnu izradu i postavljanje adekvatnih poklopaca na već postojećim kantama za odlaganje otpada, a u cilju spriječavanja nekontrolisanog razbacivanja otpada na otvorenim zelenim prostorima, što bi, između ostalog, moglo predstavljati pritisak na biološku raznolikost.

U cilju pronalaženja rješenja za rješavanje problema iz ove oblasti Ustanova je učestvovala u izradi Elaborata o lokacijama reciklažnih dvorišta, niša i zelenih otoka za područje devet općina Kantona Sarajevo sa lociranjem u prostorno - planskoj dokumentaciji i investicijskim planom, kao i finansijski okvir, prioriteti i dinamika realizacije aktivnosti na izgradnji planirane infrastrukture. U izradi Elaborata pripremljeni su i Zeleni otoci na zaštićenim prirodnim područjima Kantona Sarajevo, čiji su nosioci aktivnosti Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Zavod za planiranje razvoja Kantona Sarajevo i općinska odjeljenja za poslove prostornog uređenja i komunalne poslove, (2019. godine).

S obzirom na to da upravljanje otpadom predstavlja važan aspekt zaštite okoliša i socioekonomskog razvoja, ono je od iznimnog značaja u upravljanju zaštićenim područjima. Problem upravljanja otpadom u zaštićenim prirodnim područjima Kantona Sarajevo definisan je kao jedan od ključnih prioriteta u programu rada Javne ustanove. Skladno tome, Resursni centar za okoliš (REC), u saradnji sa Javnom ustanovom pokrenuo je aktivnosti na izradi Plana upravljanja otpadom (PUO) za zaštićena prirodna područja Kantona Sarajevo koji će dati niz preporuka i akcioni plan za održivo upravljanje otpadom u zaštićenim područjima kojima upravlja Javna ustanova.

Izrada Plana upravljanja otpadom za zaštićena područja Kantona Sarajevo za period 2022-2027. godina je dio projekta "Izrada plana upravljanja otpadom za 5 zaštićenih područja kojim upravlja Kantonalna javna ustanova za zaštićena prirodna područja Kantona Sarajevo", koji je započeo potpisivanjem Ugovora između Fonda za zaštitu okoliša FBiH (FzZO FBiH) kao finansijera projekta i REC-a. Realizaciji projekta pristupilo se u aprilu 2021. godine. Plan je urađen na osnovu terenskih obilazaka, postojeće raspoložive dokumentacije, informacija dobivenih od ove ustanove, KJKP RAD, općinskih službi iz općina na kojima se nalaze zaštićena područja Kantona Sarajevo, operatera sistema za upravljanje posebnim kategorijama otpada. Isti je u završnoj fazi izrade.

Osnovni zadatak Plana upravljanja otpadom za zaštićena područja Kantona Sarajevo za period 2022-2027, kao provedbenog dokumenta, je organizovanje provođenja njenih glavnih ciljeva. Glavni cilj izrade Plana upravljanja otpadom je stvaranje tehničkih preduslova za početak uvođenja adekvatnog sistema upravljanja otpadom u zaštićenim prirodnim područjima KS, zasnovanog na principima integralnog upravljanja otpadom. Plan treba biti temeljen na načelima održivog razvoja i to na principima:

- Preventivnog djelovanja na nastajanje otpada;
- Sakupljanja i razvrstavanja nastalog otpada;
- Vrednovanja otpada (ponovno korištenje i reciklaža);
- Sigurnog odlaganja otpada.

Jedan takav integralni sistem upravljanja otpadom moguće je uspostaviti na način da se zadovolje postavljeni prioriteti preko uspostave mehanizama za:

- Minimalno nastajanje otpada, posebno svođenje opasnih karakteristika takvog otpada na minimum;
- Smanjenje nastalog otpada po količini, posebno uzimajući u obzir tokove otpada;
- Tretiranje otpada na način kojim se osigurava povrat sekundarnih sirovina iz otpada;
- Odlaganje na odlagališta, na okolišno prihvatljiv način, onih vrsta otpada koje ne podliježu povratu sastavnica, ponovnoj upotrebi ili proizvodnji energije.

S poštovanjem,

Asad Jelešković, dipl.ing.polj.

Dostaviti:

1. Skupštini Kantona Sarajevo
2. Arhivi Javne ustanove